

## **AKT THEMELIMI DHE STATUT I SHOQERISE ME PERGJEGJESI TE KUFIZUAR "EURON SOLAR-PV" shpk**

### **KREU I**

#### **Dispozita te Pergjithshme**

Sot me date 03 Mars 2024 , shoqeria **EURON shpk** , me cilesine e Themeluesit nepermjet nenshkrimet te ketij AKT-Themelimi dhe Statuti , kane vendosur te themelojne nje Shoqeri te re me Pergjegjesi te Kufizuar me emrin "**EURON SOLAR-PV**" sh.p.k.

### **Neni 1**

- 1.1 Shoqeria "**EURON SOLAR-PV**" sh.p.k. themelohet ne perputhje me Ligjin Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar) dhe Ligjin Nr. 9723/2007 "Per regjistrimin e biznesit", i ndryshuar

### **KREU II**

#### **Ortaket, Emri, Objekti, Kohëzgjatja dhe Selia**

### **Neni 2**

#### **Emri dhe Ortaket**

- 2.1 Shoqeria e themeluar eshte e organizuar dhe funksionon sipas formes "Shoqeri me Pergjegjesi te Kufizuar" dhe mban emrin "**EURON SOLAR-PV**" sh.p.k. (Shoqeria)
- 2.2 Ortak i vetem i shoqërisë se themeluar "**EURON SOLAR-PV**" sh.p.k. eshte :
- Shoqeria "**EURON**" sh.p.k., person juridik shqiptar, regjistruar me Vendimin e Gjykates se Rrethit Gjyqesor Tirane Nr. 3906, date 10.05.1994, me nr. **NUIS J71317002N** me seli ne Pall. "EURON 3", Nd.2 , Rr. ALLA , prane Hyrjes Kopshtit Botanik , 1044 , Tirane, e themeluar nga Ortaket e saj z. **Gezim ÇELA** me dokument identifikimi nr. G40303157Q si dhe z. **Kujtim SHPATA** , dtl 24.02.1969, me dokument identifikimi nr. G90224186H dhe e e perfaqesuar nga Administratori i saj z. **Kujtim SHPATA** .

### **Neni 3**

#### **Objekti**

Shoqëria "**EURON SOLAR-PV**" SH.P.K. do të kryejë aktivitetin e mëposhtëm:

**Prodhimin energjise elektrike duke shfrytezuar burimet e energjise se rinovueshme Fotovolatike .**

**Ndertimi , Administrimi , Operimi , Shfrytezimi dhe Mirembajtja e Centraleve te Energjise Elektrike te Rinovueshme Fotovoltaike dhe Veprave ndihmese te tyre , kryesisht per Projektin "EURON SOLAR-PV" por pa u kufizuar vetem tek ky projekt .**

**Tregtim i energjise elektrike. Cdo lloj veprimtarie kryesore ose dytesore tjeter qe lidhet me gjenerimin , shperndarjen , tregtimin e energjise elektrike nga burime te rinovueshme.**

**Per arritjen e qellimit te mesiperm , Shoqeria mund te kryej cdo transaksion lidhur me shitjen e energjise elektrike , pasurite e luajtshme dhe paluajtshme , si dhe cdo aktivitet tjeter Tregtare, Financiar , Ligjor , qe lidhet direkt apo indirekt me objektin e mesiperm dhe qe mund te konsiderohet i nevojshem qe te ushtrohet aktiviteti i Shoqerise.**

#### **Neni 4**

##### **Kohëzgjatja**

- 4.1** Shoqeria do te ushtroje aktivitetin e saj per nje afat te pakufizuar. Ky afat mund te zgjatet ose te shkurtohet me vendim te Asamblese se Pergjithshme te Ortakut te "EURON SOLAR-PV" sh.p.k.
- 4.2** Shoqeria "EURON SOLAR-PV " sh.p.k. gezon statusin e personit juridik shqiptar nga momenti i regjistrimit si e tille ne "Regjistrin Tregtar".

#### **Neni 5**

##### **Selia**

- 5.1** Selia e shoqërisë ndodhet ne adresën: Pall. "EURON 3", Nd.2 , Rr. ALLA , prane Hyrjes Kopshtit Botanik ,1044 , Tirane

### **KREU III**

#### **Neni 6**

##### **Vlera dhe pagesat e kapitalit te regjistruar**

- 6.1** Kapitali i regjistruar i shoqerise është 1000 (njemije) Leke, i ndare ne 1 (nje) kuote me vlere nominale 1000 (njemije) leke .
- 6.2** Pjesëmarrja e Ortakeve në kapitalin e shoqërisë është në përputhje me kontributet e tyre të mëposhtme:

<b>Nr.</b>	<b>Emri i Ortakeve</b>	<b>Kuota</b>	<b>Vlera (leke)</b>	<b>Perqindja</b>
1.	<b>EURON sh.p.k.</b>	1	1000	100 %
	<b>Totali</b>	<b>1</b>	<b>1000</b>	<b>100 %</b>

- 6.3** Kuotat e Kapitalit jane te nenshkruara dhe te shlyera plotesisht nga ortaket.

#### **Neni 7**

##### **Kërkesa për të paguar kuotat dhe tërheqja e kuotave të papaguara**

- 7.1** Kuotat e Kapitalit jane te nenshkruara dhe te shlyera plotesisht nga ortaket

## Neni 8

### 8.1 Zmadhimi dhe zvogelimi i kapitalit

Kapitali i shoqerise mund te zmadhohet nepermjet nenshkrimeve te pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e nje eksperti te autorizuar per keto kontribute sipas kërkesës së administratorit.

Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.

Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

## Neni 9

### Llojet e Kuotave, të Drejtave dhe Kufizimeve

#### 9.1 Transferimi i kapitalit

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe ne statut.

Pjesët e kapitalit themeltar janë lirisht të transferueshme me rrugë trashëgimie.

## Neni 9

### Blerja e Kuotave të Veta

9.1 Shoqëria mund të blejë kuotat e veta dhe të kryejë pagesa për blerjen e tyre, jo nga fitimet e shoqërisë që do t'u shpërndahen ortakëve apo emetimi i kuotave të reja vetëm nëse shoqëria përmbush kushtet për shpërndarjen e fitimeve sipas nenit 77 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar) dhe Administratori lëshon një certifikatë të aftësisë paguese të parashikuar nga ky nen. Në rast se blerja e kuotave të veta nuk është në përputhje me kushtet e nenit 77 të Ligjit, paditë mbi përgjegjësinë e shoqërisë mund të ngrihen në pajtim me parashikimet e nenit 78 dhe 79 të Ligjit.

**Kreu IV**  
**Asambleja e Përgjithshme**

**Neni 10**

**Kompetencat dhe Thirrja e Asamblese se Pergjithshme**

**10.1** Asambleja e përgjithshme vendos me tri të katërtat e votave te zoteruesve te kapitalit, të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Asambleja e përgjithshme vendos me shumicën e votave të ortakëve pjesëmarrës, për çështje te tjera si :

- a) përcaktimi i politikave tregtare të shoqërisë;
- b) emërimin dhe shkarkimin e administratorëve;
- c) emërimin e shkarkimin i likuiduesve dhe të ekspertëve kontabël të autorizuar;
- ç) përcaktimin e shpërblimeve
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve të asamblesë;

Cdo ndryshim statuti duhet te depozitohet prane QKB per te pasqyruar ndryshimet ne skeden e shoqerise.

**10.2** Administratori thërret Asamblenë e Përgjithshme dhe, me kërkesën e ortakëve sipas nenit 84 të Ligjit, do të procedojë me thirrjen e Asamblesë së Përgjithshme.

**10.3** Mbledhja e Asamblesë së Përgjithshme thirret nëpërmjet një njoftimi të dërguar me postë ose e -mail drejtuar çdo ortaku, përfshirë edhe përfaqësuesin e kuotave në zotërim të përbashkët. Njoftimi duhet të kryhet të paktën 7 (shtatë) Ditë të Plota përpara datës së caktuar për mbledhjen përveç rasteve kur njoftimi i mbledhjes së Asamblesë së Përgjithshme i cili përmban një afat më të shkurtër është miratuar nga te gjithë ortakët qe zoterojne 100% te kapitalit te shoqerise.

**10.4** Njoftimi per thirrjen e Asamblese duhet te permbaje ne menyre te qarte daten, ditën, kohën, vendin dhe rendin e dites te mbledhjes, informacion mbi vendin qe duhet t'u vihen ne dispozicion dhe do t'u dergohen te gjithë Ortakeve te Shoqerise te pakten 7 (shtate) dite perpara mbledhjes. Ne rast ndryshimi te rendit te dites, do te ndiqet e njejta procedure njoftimi qe pershkruhet me siper. Nese Asambleja e Pergjithshme nuk mund te mblidhet per shkak te mungeses se kuorumit, Asambleja mblidhet perseri brenda 30 diteve me te njejtin rend dite.



- 10.5** Mbledhjet e Asamblesë se Përgjithshme janë te pavlefshme në rast moskryerje të paqëllimshme së njoftimit apo mos-marrjes së njoftimit të mbledhjes nga personat të cilët kanë të drejtë të marrin këtë njoftim, me përjashtim të rastit kur shoqëria provon se personi i ka dhënë shoqërisë një adresë të pasaktë.

#### **Neni 11**

##### **Marrja e Vendimeve te Asamblesë së Përgjithshme**

- 11.1** Asambleja e pergjithshme ne cdo mbledhje te saj zgjedh Kryetarin e Mbledhjes se Asamblese si dhe do te emeroje me shumice te thjesht te votave te ortakeve pjesemarres edhe nje person tjetër për të mbajtur proces-verbalin e mbledhjes se Asamblese se Pergjithshme.
- 11.2** Cdo vendim i mbledhjes se Asamblese se Pergjithshme do te regjistrohet ne proces-verbal, i cili do te mbahet ne perputhje me nenin 90 te ligjit Per Tregtaret dhe Shoqerite Tregtare.

#### **Neni 12**

##### **Votat e Ortakëve**

- 12.1** Në përputhje me të drejtat ose kufizimet që rrjedhin nga kuotat, çdo kuotë i jep ortakut (në rastin kur është individ) të pranishëm apo përfaqësuesit të tij të autorizuar ose ortakut (ne rastin kur është person juridik) i cili është i pranishëm përmes përfaqësuesit ligjor apo përfaqësuesit të autorizuar në mënyrë të rregullt ne perputhje me Kodin Civil , të drejtën e një vote. Cdo ortak nepermjet perfaqesuesit te tij mund te zgjedhe te votoje "PRO", "KUNDER" ose "ABSTENIM".
- 12.2** Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.

#### **Neni 13**

##### **Hetimet e posaçme**

- 13.1** Personi ose personat që plotësojnë kushtet për të kërkuar emërimin apo zëvendësimin e një eksperti të fushës sipas nenit 91 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar) , paraqesin një kërkesë të tillë nëpërmjet depozitimit të një deklarate noteriale në selinë e shoqërisë e cila vërteton se personi ose personat plotësojnë kushtet për kryerjen e këtij veprimi.

**Kreu V**  
**Administratori**

**Neni 14**

**Emërimi i Administratorit**

- 14.1** Asambleja e Përgjithshme zgjedh një ose më shumë individë si Administratorë të shoqërisë për një periudhë pesëvjeçare, në pajtim me parashikimet e shkronjës "c" të pikës 1 të nenit 81 dhe nenit 95 të Ligjit Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar). Emërimet do të jenë individuale dhe sipas një vendimi të marrë me shumicën e votave të ortakeve në Asambleja e Përgjithshme, i cili, nëse miratohet, sjell emërimin e personit të propozuar si Administrator.
- 14.2** Kufizimet në lidhje me emërimin e Administratorëve parashikohen në pikën 2 të nenit 95 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar).
- 14.3** Personi i mëposhtëm caktohet si Administrator i shoqërisë "**EURON SOLAR-PV**" sh.p.k.:

**Z. Kujtim SHPATA** , i biri i Rushitit , shtetas shqiptar, lindur me **24.02.1969** në Patos , Fier dhe banues në Tiranë , madhor me zotësi të plote juridike për të vepruar, me dokument identifikimi me **G90224186H..**

**Neni 15**

**Kompetencat e Administratorit**

- 15.1** Politikat tregtare të shoqërisë do të administrohen nga Administratori i cili mund të ushtrojë të gjithë kompetencat që nuk i rezervohen Asamblesë së Përgjithshme sipas nenit 81 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar). Ndryshimet e statutit nga Asambleja e Përgjithshme dhe udhëzimet e Asamblesë së Përgjithshme nuk do të shfuqizojnë aktet e mëparshme të Administratorit, të cilat do të ishin të vlefshme nëse ndryshimi nuk do të ishte kryer ose udhëzimi nuk do të ishte dhënë.
- 15.2** Administratori mund t'ua delegojnë kompetencat e tyre çdo komiteti i cili përbëhet nga një ose më shumë Administratorë. Çdo delegim kompetencash mund të kryhet në përputhje me kushtet që mund të vendosin Administratorët dhe mund të revokohet ose ndryshohet. Administratorët nuk mund të delegojnë detyrimet e tyre ligjore.
- 15.3** Pa u kufizuar sa më sipër, në mënyrë të veçantë Administratori ka këto kompetenca:
- (i) do të drejtojë dhe të përfaqësojë Shoqërinë përpara i përket administrimit të zakonshem;



- (ii) do te nenshkruaje cdo marreveshje ne emer te Shoqerise;
- (iii) do te hape llogari ne emer te Shoqerise me cdo banke qe kryen aktivitet ne Shqiperi ose jashte saj,
- (iv) do te pergatise te gjitha planet per marrjen e financimeve, do te nenshkruaje cdo kontrate huaje apo kontrate tjeter qe parashikon nje borxh apo borxh te mundshem per Shoqerine, hipoteke, peng apo cdo marreveshje tjeter qe krijon apo mund te krijojte nje barre mbi pasurite e Shoqerise, marreveshje garancie, kontrate per shitjen e pasurive te paluajtshme apo te luajtshme te Shoqerise. Te gjitha veprimet e parashikuara ketu (pika iv) do te jene te vlefshme nese jane te autorizuar shprehimisht me ane te nje Vendimi te Asamblese se Pergjithshme te marre me shumice unanime;
- (v) do te urdheroje dhe kryeje pagesa ne emer te Shoqerise – duke nenshkruar dokumentet / instrumentet e pagesave;
- (vi) do te kujdeset per mbajtjen e sakte e te rregullt te dokumenteve dhe te librave kontabel te Shoqerise;
- (vii) do te pergatise dhe nenshkruaje bilancin vjetor, bilancin e konsoliduar dhe raportin e ecurise se veprimtarise dhe, se bashku me propozimet per shperndarjen e fitimeve, ia paraqet per miratim Asamblese se Pergjithshme;
- (viii) do te krijojte nje sistem monitorimi dhe paralajmerimi njoftimi te hershem per rrethanat qe kercenojne ekzistencen e Shoqerise;
- (ix) do te kryeje regjistrimet e publikimet e detyrueshme te te dhenave te Shoqerise, sipas kerkesave te Ligjit nr. 9723, date 3 Maj 2007 "Per Qendren Kombetare te Regjistrimit";
- (x) do t'i raportoje Asamblese se Pergjithshme per zbatimin e politikave tregtare dhe per realizimin e veprimeve me rendesi te vecante per veprimtarine e Shoqerise;
- (xi) do te pergatise te gjitha planet per zhvillimin dhe operimin e Hidrocentraleve;
- (xii) do te marre ne pune, emeroje, shkarkoje te punesuar te Shoqerise per cdo nivel, perfshire edhe te punesuar me kohe te pjesshme, konsulente, agjente, do te percaktoje kompetencat dhe detyrat e tyre, si dhe do te percaktoje shperblimin e tyre;
- (xii) te kryeje detyra te tjera, te percaktuara ne Ligjin per Shoqerite Tregtare, duke pasur parasysh respektimin ne cdo rast te kufizimeve te parashikuara nga ky Statut, si dhe detyrat e dhena me Vendim te Asamblese se Pergjithshme.

## Neni 16

### Skualifikimi dhe Shkarkimi i Administratorit

#### 16.1 Detyra e Administratorit përfundon në rast se:

1. personi nuk është më Administrator sipas parashikimeve të Ligjit përfshirë edhe parashikimet e pikës 6 të nenit 95 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar);
2. personi vuan ose mund të vuajë nga çrregullime mendore;
3. ndodhet ose mund të ndodhet ne kushtet e pa-afetise fizike;

4. jep doreheqje nga detyra duke njoftuar shoqerine;
5. vdekjeje;
6. ndodhet ne situata apo rrethana te cilat e bejne te pamundur ushtrimin e detyrave te tij;

#### **Neni 17**

##### **Shpërblimi, Përfitimet e tjera dhe Shpenzimet e Administratorit**

- 17.1** Administratori shpërblehet në bazë të skemës së vendosur nga Asambleja e Përgjithshme në përputhje me parashikimet e nenit 97 të Ligjit.
- 17.2** Asambleja e Përgjithshme mund të parashikojë përfitime, nëpërmjet shpërblimeve në para, pensione, sigurime ose forma të tjera, për çdo person i cili ka qenë por nuk është më në detyrë apo i punësuar në shoqëri, shoqëri të tjera të cilat janë ose kanë qenë shoqëri të kontrolluara ose për shoqëri paraardhëse të shoqërisë ekzistuese ose të filialeve të saj, ose për çdo familjar të tyre (përfshirë bashkëshortin/en, ish-bashkëshortin/en) ose persona të cilët janë ose ishin në varësi të tyre, dhe mund të paguajë kontribute në fonde të caktuara për dhënien e përfitimëve të tilla.
- 17.3** Administratorit mund t'iu paguhen të gjitha shpenzimet e udhëtimit, akomodimit dhe shpenzime të tjera në lidhje me pjesëmarrjen e tij në mbledhjet e Asamblesë së Përgjithshme apo mbledhje te tjera në lidhje me përmbushjen e detyrave të tij.

#### **Neni 18**

##### **Kufizimet në Veprimet e Administratorit**

- 17.1** Administratori nuk do të lidhi marrëveshje për çështje në të cilin ai ka, direkt ose indirekt, një interes apo detyrim i cili është material, që është apo mund të jetë në kundërshtim me interesat e shoqërisë, në pajtim me nenin 13 të Ligjit, deri në momentin kur në mbledhjen e Asamblesë së Përgjithshme, të gjithë anëtarët kanë rënë dakord që të autorizojnë lidhjen e kësaj marrëveshje.
- 18.2** Autorizimi mund të jetë i përgjithshëm ose i posaçëm për një çështje të caktuar. Autorizimi i përgjithshëm duhet të regjistrohet pranë Qendrës Kombëtare të Regjistrimit.

#### **Kreu VI**

##### **Dividendët dhe Kalimi i Fitimeve në Kapitalin Themeltar**

#### **Neni 19**

##### **Dividendët**

- 19.1** Pas plotësimit të parashikimeve të nenit 77 të Ligjit, shoqëria me shumicë të kualifikuar të votave së Asamblesë së Përgjithshme në përputhje me parashikimet e nenit 87 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar) , mund të deklarojë shpërndarjen e dividendëve në përputhje me të





drejtat përkatëse të ortakëve. Fitimi i shpërndahet ortakëve në raport me kuotat e zotëruara.

**19.2** Asnjë dividend ose pagesë në para që lidhet me një kuotë nuk do të mbartë interesa ndaj shoqërisë nëse nuk parashikohet nga të drejtat që lidhen me kuotën.

## Neni 20

### Kalimi i Fitimeve në Kapitalin Themeltar

**20.1** Administratorit, pas vendimit të marrë nga Asambleja e Përgjithshme me shumicë të kualifikuar votash në përputhje me parashikimet e nenit 87 të Ligjit Nr. 9901, dt. 14.04.2008 "Për Tregtarët dhe Shoqëritë tregtare" (te ndryshuar) dhe duke pasur parasysh parimet e përcaktuara në nenin 14 të këtij Ligji, mund të vendosin të kalojnë në kapitalin themeltar të shoqërisë fitimet e pashpërndara të cilat nuk do të përdoren për të paguar dividendë preferencialë apo shuma të tjera të parashikuara për rezervat e kapitalit të shoqërisë

## Kreu VI

### Prishja dhe njoftimet

## Neni 21

### Prishja dhe likuidimi

**21.1** Shoqëria priset dhe kalon në procedurë likuidimi nëse:

1. perfundon afati i kohezagjatjes së Shoqërisë;
2. merret një vendim i posaçëm i Asamblesë së Përgjithshme;
3. kalohet në falimentim;
4. Shoqëria nuk ka kryer veprimtari për 2 (dy) vjet dhe nuk është njoftuar pezullimi i veprimtarisë në QKB;
5. ekziston një vendim gjykate;
6. për arsye të tjera të parashikuara në këtë Statut si dhe në Ligjin Nr. 9901, dt. 14.04.2008 "Për Tregtarët dhe Shoqëritë tregtare" (te ndryshuar).

**21.2** Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar të votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.

**21.3** Administratori është i detyruar të regjistrojë prishjen e Shoqërisë në Regjistrin Tregtar, me përjashtim të rastit kur prishja bëhet me vendim gjykate; në këtë rast është gjykata që i dërgon njoftimin QKB-së.

## Neni 21

### Njoftimet

- 22.1** Njoftimet e kryera nga çdo person sipas parashikimeve të Statutit, duhet të jenë me shkrim ose (nëse zbatohet) nëpërmjet komunikimit elektronik në adresën e parashikuar sipas pikës 3 të nenit 4 të këtij Statuti dhe janë të vlefshme në lidhje me kohën e njoftuar për këtë qëllim dhe personin që kryen njoftimin.
- 22.2** Shoqëria mund të njoftojë një ortak personalisht ose duke e dërguar njoftimin me letër porosi me kthim përgjigje në adresën e regjistruar të ortakut ose në adresën apo postën elektronike (nëse ka) që i është njoftuar shoqërisë nga ortakut. Kur ka disa bashkëzotërues të një kuote, të gjitha njoftimet i jepen përfaqësuesit të tyre të përbashkët në përputhje me pikën 2 të nenin 72 të Ligjit Nr. 9901, dt. 14.04.2008 "Për Tregtarët dhe Shoqëritë tregtare"(te ndryshuar)
- 22.3** Ky Statut së bashku me ndryshimet dhe të gjitha dokumentet e tjera, raportet, komunikimet dhe procesverbalet e dhëna nga shoqëria do të publikohet nga Administratori në faqen e internetit të shoqërisë, sipas parashikimeve të pikës 2 të nenit 4 të këtij Statuti (nëse zbatohet).

## Neni 23

### Te Ndryshme

- 23.1** Cdo dokument qe leshohet per dhe ne emer te shoqerise eshte i pavlefshem nese nuk mban vulen e saj.
- 23.2** Te gjitha marredheniet e punes ne shoqeri rregullohen me Kodin e Punes dhe cdo akt tjeter ligjor dhe nenligjor te zbatueshem te Republikes se Shqiperise, ne fuqi dhe ne veprim kohe pas kohe gjate periudhes se ushtrimit te aktivitetit te saj tregtar.
- 23.3** Viti financiar zgjat 12 (dymbjedhete) muaj, duke filluar më 1 Janar dhe mbaron më 31 Dhjetor të cdo viti.
- 23.4** Ne fund te cdo viti financiar, Administratori harton bilancin vjetor dhe raportin e administrimit, te cilet i dergohen per miratin Asamblese se zakonshme.
- 23.5** Per te gjitha ceshtjet qe nuk jane parashikuar ne kete Statut, do te zbatohen parashikimet e Ligjit Nr. 9901, dt. 14.04.2008 "Për Tregtarët dhe Shoqëritë tregtare".
- 23.6** Në këtë statut:
1. "Ligji" është Ligji Nr. 9901, dt. 14.04.2008 "Për Tregtarët dhe Shoqëritë tregtare";
  2. "Statuti" është Akt Themelimi dhe Statuti i shoqërisë;



3. "Ditë të Plota" në lidhje me periudhën e një njoftimi është periudha që nuk e përfshin ditën kur është dhënë ose kur konsiderohet se është dhënë njoftimi dhe ditën për të cilën është dhënë ose hyn në fuqi njoftimi.

Ky Status u hartua ne 3 (tre) kopje ne shqip dhe u nenshkrua nga Ortaket sot me date 03 / 03 / 2024

Emri dhe nënshkrimi i Ortakut Themelues:

## "EURON" sh.p.k.

Perfaqesuar nga:

Gezim ÇELA

*Gezim Çela*  
*Çela*



Kujtim SHPATA

*Kujtim Shpata*  
*Shpata*